



გორის სულხან ცინცაძის სახელობის სამუსიკო კოლეჯი

დამტკიცებულია
სსიპ-ქ.გორის ს.ცინცაძის
სახელობის სამუსიკო კოლეჯის
დირექტორის ბრძანებით
N1/89, 07.11.2022 წ.

სსიპ ქ.გორის სულხან ცინცაძის სახელობის სამუსიკო კოლეჯის

პროფესიულ საგანმანათლებლო პროგრამებზე შუალედური და
საკვალიფიკაციო შეფასების ჩატარების წესი

მუხლი 1. ზოგადი დებულებანი

1.წინამდებარე წესი არეგულირებს სსიპ ქ.გორის სულხან ცინცაძის სახელობის სამუსიკო კოლეჯის (შემდგომში „კოლეჯი“) პროფესიულ საგანმანათლებლო პროგრამებზე შუალედური და საკვალიფიკაციო შეფასების წესსა და პირობებს.

თავი 1. პროფესიულ საგანმანათლებლო პროგრამებზე შუალედური
შეფასების ჩატარების წესი

მუხლი 2. შუალედური შეფასების არსი, მიზანი და სამართლებრივი შედეგები

1. შუალედური შეფასება წარმოადგენს პროგრამის განხორციელების ხარისხის უზრუნველყოფის და პროფესიული სტუდენტებისათვის განმავითარებელი უკუკავშირის მიცემის ერთ-ერთ მექანიზმს.

1.შუალედური შეფასების მიზანია პროფესიული სტუდენტის პროგრესის დადგენა სწავლის შედეგების მიღწევასთან დაკავშირებით და მისთვის აღნიშნულზე განმავითარებელი უკუკავშირის მიცემა

2.შუალედური შეფასება არის სავალდებულო და შუალედურ შეფასებაში მონაწილეობის გარეშე დაუშვებელია საკვალიფიკაციო გამოცდაზე პირის დაშვება.

3. ცალკეული მოდულის ფარგლებში განხორციელებული შეფასებისგან განსხვავებით, შუალედური შეფასება ერთიანობაში უყურებს შუალედური შეფასების მომენტისათვის პროფესიული სტუდენტის მიერ განვლილი მოდულების ფარგლებში მიღწეულ სწავლის შედეგებს.

მუხლი 3. შუალედური შეფასების ჩატარებაზე პასუხისგება

1. შუალედური შეფასების დაგეგმვასა და განხორციელებას უზრუნველყოფს კოლეჯი.

შუალედური შეფასების შედეგები არ შეიძლება გამოყენებულ იქნეს სწავლის შედეგების დადასტურებისათვის, კრედიტის მინიჭებისათვის ან პროფესიული სტუდენტის სტატუსის განსაზღვრისათვის/შეცვლისათვის.

2. კოლეჯი უფლებამოსილია შუალედური შეფასების დაგეგმვასა და განხორციელებაში, თავისი შეხედულებისამებრ, ჩართოს არსებობის შემთხვევაში, დარგობრივი უნარების ორგანიზაცია, სხვადასხვა ასოციაცია/გაერთიანება ან/და ბიზნეს სუბიექტი.

3. კოლეჯი უზრუნველყოფს ვალიდურ, სანდო, ობიექტურ, სამართლიან და გამჭვირვალე შეფასების სისტემას;

4. შუალედური შეფასების ჩატარების მიზნით, კოლეჯი, დირექტორის ინდივიდუალური ადმინისტრაციულ-სამართლებრივი აქტით, ქმნის კომისიას, რომელიც უზრუნველყოფს ობიექტური შეფასების განხორციელებას. აქვე უნდა აღინიშნოს, რომ შუალედური შეფასების პროცესში მიზანშეწონილია პროფესიული განათლების მასწავლებლების აქტიური ჩართულობა

მუხლი 4. შუალედური შეფასების ჩატარების პერიოდი

1. შუალედურ შეფასებაში მონაწილეობა წარმოადგენს პროფესიული სტუდენტისათვის საკვალიფიკაციო გამოცდაზე დაშვების წინაპირობას;

2. შუალედური შეფასება ტარდება პროგრამის განხორციელების შუა ეტაპზე, როდესაც პროფესიულ სტუდენტს გავლილი აქვს პროგრამით განსაზღვრული სწავლის შედეგების არანაკლებ 40 და არაუმეტეს 60 პროცენტისა;

3. შუალედური შეფასება ტარდება კოლეჯის დირექტორის ინდივიდუალური ადმინისტრაციულ-სამართლებრივი აქტით განსაზღვრულ ვადებში, რომელიც გამოიცემა შუალედური შეფასების ჩატარებამდე არანაკლებ ერთი თვით ადრე.

4. პროფესიული სტუდენტის შეფასება მოიცავს შეფასების ინსტრუმენტს, შეფასების პროცესს და შეფასების მტკიცებულებას.

მუხლი 5. დაშვების წინაპირობა

შუალედურ შეფასებაზე დაიშვება საგანმანათლებლო პროგრამის შესაფასებელი ჯგუფის ყველა აქტიური პროფესიული სტუდენტი.

შუალედური შეფასების ფორმა, შინაარსი და შეფასების სისტემა

მუხლი 6. შუალედური შეფასების კომისია

1. შესაბამისი პროგრამის ხელმძღვანელი წარუდგენს კოლეჯის დირექტორს შეფასების კომისიის წევრთა კანდიდატურებს;

2. შუალედური შეფასების კომისიის /კომისიების შემადგენლობას ამტკიცებს კოლეჯის დირექტორი ინდივიდუალური ადმინისტრაციულ -სამართლებრივი აქტის საფუძველზე;

3. კომისია გადაწყვეტილებას იღებს დამსწრე წევრთა უმრავლესობით;

4. შუალედური შეფასების კომისია:

ა) კომისიის კომპეტენციაა შუალედური შეფასების შედეგებზე დაყრდნობით კოლეჯის დირექტორს მისცეს უკუკავშირი პროგრამის განხორციელების პროცესში წარმოჩენილ ძლიერ და სუსტ მხარეებთან დაკავშირებით და საჭიროების შემთხვევაში გასცეს რეკომენდაციები;

ბ) კომისიის შეფასება და რეკომენდაციები აისახება შესაბამის ოქმში;

5. შეფასების კომისია შედგება არანაკლებ 5 წევრისაგან. კომისიის შემადგენლობაში ჩართულნი არიან დარგში არსებული (არსებობის შემთხვევაში) დარგობრივი უნარების ორგანიზაცია, სხვადასხვა ასოციაცია/გაერთიანება ან/და ბიზნეს სუბიექტი, სხვა პროფესიული საგანმანათლებლო დაწესებულების წარმომადგენელი ან დარგის ექსპერტი.

6. შუალედური შეფასების კომისია შეფასებისას ეყრდნობა არსებულ შეფასების ინსტრუმენტს და შეფასების კრიტერიუმებს, რომელსაც გავლილი აქვს ვალიდაცია.

7. შუალედური შეფასების ფარგლებში შეიძლება გამოყენებულ იქნეს დიფერენცირებული (ქულობრივი) ან/და არადიფერენცირებული (დადასტურდა/ვერ დადასტურდა) შეფასება, თუმცა აუცილებელია, რომ შუალედური შეფასება განმავითარებელი უკუკავშირით დასრულდეს. აღნიშნული გულისხმობს კომენტარს/უკუკავშირს პროფესიული სტუდენტის ძლიერი და სუსტი მხარეების გამოვლენის და სწავლის ხელშეწყობის მიზნით.

მუხლი 7. პროფესიული სტუდენტის შუალედური შეფასების ინსტრუმენტი

1. შუალედური შეფასების თემატიკა უნდა მოიცავდეს შუალედური შეფასების მომენტისათვის პროფესიული საგანმანათლებლო პროგრამის შემადგენელი მოდულების დასრულებულ სწავლის შედეგებს, რაც გულისხმობს კომპლექსურად, განვლილი თემატიკის შემაჯამებელ დავალებას/დავალებებს.

2. პროგრამის სპეციფიკის გათვალისწინებით, შუალედური შეფასებისათვის შესაძლებელია გამოყენებულ იქნას:

- კომპლექსური დავალება;
- პრაქტიკული დავალება;
- პრეზენტაცია;
- პორტფოლიოს პრეზენტაცია;
- დასრულებული ან მიმდინარე პროექტი;
- პროფესიული სტუდენტის მიერ საკუთარი სწავლის შედეგების ანალიზი თვითშეფასების ანგარიშის მომზადების გზით;
- პროფესიული საგანმანათლებლო პროგრამის სპეციფიკის გათვალისწინებით სხვა რელევანტური მეთოდები ან მათი კომბინაცია.

3. შეფასების კრიტერიუმები ეფუძნება „სსიპ ქ.გორის ს.ცინცაძის სახელობის სამუსიკო კოლეჯის პროფესიული საგანმანათლებლო პროგრამების პროფესიულ სტუდენტთა სწავლის შედეგების შეფასების წესში გაწერილი შეფასების ძირითად პრინციპებს და ხორციელდება წინასწარ შემუშავებული შეფასების სქემით.

მუხლი 8. შეფასების ინსტრუმენტის შემუშავება და ვალიდურობის შემოწმება

1. შეფასების ინსტრუმენტის შემუშავების მიზნით კოლეჯის ხარისხის უზრუნველყოფის მენეჯერი ატარებს შესაბამის ღონისძიებებს.

2. შეფასების ინსტრუმენტი, კოლეჯის მიერ დადგენილი წესის და პირობების შესაბამისად, გადის ვალიდაციას.

4. პროფესიული სტუდენტის შეფასება მოიცავს შეფასების ინსტრუმენტს, შეფასების პროცესს და შეფასების მტკიცებულებას.

მუხლი 9. შუალედური შეფასების ჩატარების პერიოდი

1. შუალედურ შეფასებაში მონაწილეობა წარმოადგენს პროფესიული სტუდენტისათვის საკვალიფიკაციო გამოცდაზე დაშვების წინაპირობას;
2. შუალედური შეფასება ტარდება პროგრამის განხორციელების შუა ეტაპზე, როდესაც პროფესიულ სტუდენტს გავლილი აქვს პროგრამით განსაზღვრული სწავლის შედეგების არანაკლებ 40 და არაუმეტეს 60 პროცენტისა;
3. შუალედური შეფასება ტარდება კოლეჯის დირექტორის ინდივიდუალური ადმინისტრაციულ-სამართლებრივი აქტით განსაზღვრულ ვადებში, რომელიც გამოიცემა შუალედური შეფასების ჩატარებამდე არანაკლებ ერთი თვით ადრე.

მუხლი 10. შუალედური შეფასების შედეგები

1. შუალედურ შეფასებაზე მიღებული ქულა გავლენას არ ახდენს პროფესიული სტუდენტის სტატუსზე, ვინაიდან შუალედური შეფასება განმავითარებელია.
2. თითოეული პროფესიული სტუდენტი ინდივიდუალურად (პირადად/ელ.ფოსტით) ღებულობს უკუკავშირს მის მიერ შესრულებულ შუალედურ დავალებასთან დაკავშირებით შეფასების კომისიის წევრების მიერ;
3. პროგრამის ხელმძღვანელი შეფასებიდან (არსებობის შემთხვევაში, განმეორებითი შუალედური შეფასებიდან) ორი კვირის პერიოდში პროფესიულ სტუდენტებს აძლევს ინდივიდუალურ უკუკავშირს თითოეულ შეფასების კრიტერიუმთან მიმართებაში ასევე, ტესტურ დავალებასთან მიმართებაში.

მუხლი 11. შუალედურ შეფასებაში განმეორებით მონაწილეობა

1. იქიდან გამომდინარე, რომ შუალედურ შეფასებაში მონაწილეობის მიღება არის საკვალიფიკაციო გამოცდაზე პროფესიული სტუდენტების დაშვების წინაპირობა, კოლეჯი მაქსიმალურად უზრუნველყოფს მოქმედი პროფესიული სტუდენტების მონაწილეობას შუალედურ შეფასებაში.

2. პროფესიული სტუდენტის შუალედურ შეფასებაზე გამოუცხადებლობის შემთხვევაში 2 კვირის შემდეგ ტარდება დამატებითი შუალედური შეფასება, რომელზე დაშვებასაც კოლეჯი უზრუნველყოფს საპატიო მიზეზთა არსებობის შემთხვევაში.

საპატიო მიზეზად შეიძლება ჩაითვალოს:

- ა) ჯანმრთელობის მდგომარეობის გაუარესება,
- ბ) ოჯახის წევრის გარდაცვალება და სხვა ფორსმაჟორული გარემოება.

მუხლი 12. შუალედურ შეფასებაზე დაშვების წინაპირობები

შუალედურ შეფასებაზე დაიშვება ყველა პროფესიული სტუდენტი, რომელიც აქტიურია სსიპ ქ.გორის სულხან ცინცაძის სახელობის სამუსიკო კოლეჯის „ემისის“ ბაზაში.

მუხლი 13. შუალედური შეფასების შედეგების გასაჩივრების მიზანშეუწონლობა

კოლეჯს არ აქვს ვალდებულება, შექმნას შუალედური შეფასების შედეგების შიდა გასაჩივრების მექანიზმი. აღნიშნული განპირობებულია იმ გარემოებით, რომ შუალედური შეფასებისას გაიცემა განმავითარებელი უკუკავშირი. ამასთან, შუალედური შეფასება პროფესიული სტუდენტისთვის არ წარმოშობს არანაირ სამართლებრივ შედეგებს. პროფესიული სტუდენტისთვის სამართლებრივ შედეგებს წარმოშობს მხოლოდ შუალედურ შეფასებაში მონაწილეობის მიუღებლობა.

თავი 2. პროფესიულ საგანმანათლებლო პროგრამებზე საკვალიფიკაციო შეფასების ჩატარების წესი

მუხლი 13. საკვალიფიკაციო გამოცდის წესი

1. საკვალიფიკაციო გამოცდაზე დაშვების წინაპირობაა პროგრამით გათვალისწინებული ყველა სწავლის შედეგის დადასტურება და შუალედურ შეფასებაში მონაწილეობა.
2. პროფესიული სტუდენტისთვის კვალიფიკაციის მინიჭების აუცილებელი პირობაა საკვალიფიკაციო გამოცდის ჩაბარება, რომლის მიზანია პროფესიული სტუდენტის მიერ მიღწეული სწავლის შედეგების პროფესიული მოვალეობებისა და ამოცანების შესრულების პროცესში კომპლექსურად გამოყენების უნარის შეფასება;
3. საკვალიფიკაციო გამოცდა ტარდება პროგრამის დასრულებიდან არაუგვიანეს ერთი თვისა;
4. საკვალიფიკაციო გამოცდა ინიშნება კოლეჯის დირექტორის ინდივიდუალური ადმინისტრაციულ-სამართლებრივი აქტით საკვალიფიკაციო გამოცდის ჩატარებამდე ერთი თვით ადრე;
5. სასწავლო პროცესის მენეჯერი ახდენს პროფესიული სტუდენტების ინფორმირებას საკვალიფიკაციო გამოცდის თარიღისა და ფორმატის შესახებ (პირადად, ელ.ფოსტით, შეხვედრის ორგანიზებით) და სხვა ფორმით დირექტორის მიერ ინდივიდუალური ადმინისტრაციულ-სამართლებრივი აქტის გამოცემიდან არაუგვიანეს ერთი კვირისა;
6. შუალედური შეფასების მსგავსად, საკვალიფიკაციო გამოცდის თემატიკა უნდა მოიცავდეს მხოლოდ სტუდენტის მიერ პროგრამის დასრულებისას მიღწეულ სწავლის შედეგებს;
7. პროგრამის სპეციფიკის გათვალისწინებით, საკვალიფიკაციო გამოცდისას კოლეჯის მიერ შესაძლებელია გამოყენებულ იქნეს:
 - კომპლექსური დავალება;
 - პრაქტიკული დავალება;
 - პრეზენტაცია;
 - პორტფოლიოს პრეზენტაცია;
 - პროფესიული სტუდენტის მიერ საკუთარი სწავლის შედეგების ანალიზი თვითშეფასების ანგარიშის მომზადების გზით;
 - პროფესიული საგანმანათლებლო პროგრამის სპეციფიკის გათვალისწინებით სხვა ტიპის დავალება/დავალებები.
8. საკვალიფიკაციო გამოცდის შეფასების ინსტრუმენტი ექვემდებარება ვალიდაციას საკვალიფიკაციო კომისიის ჩართულობით;
9. პროფესიული სტუდენტის მიერ საკვალიფიკაციო გამოცდის დროს შექმნილი მტკიცებულება ინახება კოლეჯში სტუდენტისათვის კვალიფიკაციის მინიჭებიდან სამი წლის განმავლობაში;
10. კოლეჯის დირექტორი ინდივიდუალური ადმინისტრაციულ-სამართლებრივი აქტით ამტკიცებს საკვალიფიკაციო კომისიის შემადგენლობას;
11. კომისიის შემადგენლობაში სავალდებულოა მოწვეული იყოს დარგის წარმომადგენელი;
12. კომისიის კომპეტენციაა საკვალიფიკაციო გამოცდის დადებითი შედეგების საფუძველზე შუამდგომლობით მიმართოს დირექტორს სტუდენტისათვის კვალიფიკაციის მინიჭების მიზანშეწონილობის თაობაზე;
13. საკვალიფიკაციო კომისიის გადაწყვეტილება პროფესიულ სტუდენტს ეცნობება გადაწყვეტილების მიღებიდან არაუგვიანეს ორი სამუშაო დღისა ელ.ფოსტით, პირადად, ან სხვა ფორმით;
14. ინფორმაციის მიღებიდან 5 სამუშაო დღის ვადაში სტუდენტს უფლება აქვს წერილობით

გაასაჩივროს კომისიის გადაწყვეტილება;

15. საჩივრის განხილვას უზრუნველყოს დირექტორის ბრძანებით დამტკიცებული სააპელაციო კომისია;

16. სააპელაციო კომისია უფლებამოსილია განიხილოს სტუდენტის საჩივარი და მიიღოს ერთ - ერთი გადაწყვეტილება:

ა) საკვალიფიკაციო კომისიის გადაწყვეტილების ძალაში დატოვების შესახებ;

ბ) საკითხის საკვალიფიკაციო კომისიისათვის განსახილველად დაბრუნების შესახებ;

17. კვალიფიკაციის მინიჭების შესახებ საბოლოო გადაწყვეტილება მიღებულ უნდა იქნას საჩივრის შემოტანიდან ერთი თვის ვადაში;

18. საკვალიფიკაციო გამოცდაზე არგამოცხადების ან საკვალიფიკაციო კომისიის უარყოფითი გადაწყვეტილების შემთხვევაში სტუდენტი უფლებამოსილია ამ მუხლით დადგენილი პირობებითა და წესით გავიდეს განმეორებით დამატებითი საკვალიფიკაციო გამოცდაზე;

19. საკვალიფიკაციო გამოცდაზე გამოუცხადებლობა ან საკვალიფიკაციო კომისიის უარყოფითი გადაწყვეტილება წარმოადგენს სტუდენტისათვის სტატუსის შეჩერების საფუძველს და პროფესიულ სტუდენტს აქვს უფლება ერთხელ გავიდეს განმეორებით საკვალიფიკაციო გამოცდაზე.

მუხლი 14. გარდამავალი დებულება

1. პროფესიულ საგანმანათლებლო პროგრამებზე შუალედური შეფასების ჩატარების წესი ვრცელდება სსიპ ქ.გორის სულხან ცინცაძის სახელობის სამუსიკო კოლეჯში 2022 წლის 9 აგვისტოს შემდგომ ჩარიცხულ პროფესიულ სტუდენტებზე.

2. პროფესიულ საგანმანათლებლო პროგრამებზე საკვალიფიკაციო შეფასების ჩატარების წესი ამოქმედდეს 2023 წლის პირველი იანვრიდან.

